

Na osnovu člana 44. Zakona o ustanovama socijalne zaštite Federacije BiH (Službene novine F BiH broj: 64/22), člana 37. i 55. Pravila Ustanove za socijalno zbrinjavanje, zdravstvenu njegu, odgoj i obrazovanje Pazarić (Službene novine F BiH broj: 57/23), Upravni odbor na svojoj 36. sjednici održanoj dana 25.10.2023.godine, donio je;

## **P R A V I L N I K**

### **O STRUČNOM OSPOSOBLJAVANJU I USAVRŠAVANJU**

#### **I OPĆE ODREDBE**

##### **Član 1.**

(1) Ovim Pravilnikom uređuju se način i uslovi po kojima se vrši stručno osposobljavanje i usavršavanje radnika zaposlenih u Ustanovi za socijalno zbrinjavanje, zdravstvenu njegu, odgoj i obrazovanje-Pazarić (u daljem tekstu: Ustanova „Pazarić“)

##### **Član 2.**

(1) Radnik je dužan da se, u skladu sa svojim sposobnostima i potrebama procesa rada, stručno osposobljava i usavršava za rad. Stručno osposobljavanje iz stava 1 ovog člana obavlja se, po pravilu, u toku radnog vremena, ukoliko se poslodavac i radnik drugačije ne dogovore.

(2) Prema radniku koji neopravdano odbije upućivanje na stručno osposobljavanje i usavršavanje, a utvrdi se da nema potrebna znanja i sposobnosti za obavljanje poslova na kojima radi, Ustanova će postupiti u skladu sa propisima o radu.

#### **II - PLAN STRUČNOG OSPOSOBLJAVANJA I USAVRŠAVANJA**

##### **Član 3.**

(1) Direktor Ustanove ima obavezu da, prema potrebama i finansijskim mogućnostima, obezbijedi svim radnicima materijalne, organizacione i druge uslove na osnovu kojih zaposleni mogu da se stručno osposobljavaju i usavršavaju.

(2) Rukovodioci radnih jedinica i šefovi službi, svoje prijedloge potreba za stručnim osposobljavanjem i usavršavanjem radnika u narednoj kalendarskoj godini, dostavljaju direktoru Ustanove, do kraja decembra tekuće kalendarske godine.

##### **Član 4.**

(1) Upravljanje stručnim usavršavanjem i osposobljavanjem u Ustanovi ima za cilj unapređenje kompetencija zaposlenih u skladu sa mogućnostima i potrebama rada u okviru djelatnosti Ustanove.

(2) Stručno osposobljavanje i usavršavanje zaposlenih jedan je od osnovnih mehanizama motivisanja zaposlenih da svoju karijeru razvijaju u okviru Ustanove.

#### **III- OBLICI STRUČNOG OSPOSOBLJAVANJA I USAVRŠAVANJA ZAPOSLENIH**

##### **Član 5.**

Oblici stručnog osposobljavanja i usavršavanja podrazumijevaju sljedeće:

- 1) formalno obrazovanje nakon stečenog nivoa kvalifikacije kao što su postdiplomske, specijalističke, subspecijalističke, master i doktorske studije;
- 2) edukacije (obuke) u formi kurseva, seminara, radionica i ostalih edukativnih programa, konferencija, kongresa, simpozijuma, godišnjih sastanaka, studijskih posjeta, predavanja, tribina i ostalih programa razmjene znanja;
- 3) prenos znanja u Ustanovi.

#### **Član 6.**

(1) Stručno osposobljavanje i usavršavanje može se odobriti isključivo u skladu sa potrebama Ustanove u oblasti u kojoj zaposleni radi.

#### **Član 7.**

(1) Realizaciju programa stručnog osposobljavanja i usavršavanja Ustanova može organizovati za zaposlenog ili za grupu zaposlenih koji obavljaju iste ili slične poslove.

#### **Član 8.**

(1) Ustanova može da zasnuje radni odnos sa licem bez radnog iskustva, kao vid edukacije (obuke) za zanimanje za koje je to lice steklo određenu vrstu i stepen stručne spreme, ako je to kao uslov za rad na određenim poslovima utvrđeno Pravilnikom o unutrašnjoj organizaciji i sistematizaciji radnih mjesta Ustanove Pazarić.

(2) Stručno osposobljavanje i usavršavanje iz stava 1 ovog člana traje godinu dana, a uređuje se ugovorom o radu.

### **IV- GODIŠNJI PLAN STRUČNOG USAVRŠAVANJA I OSPOSOBLJAVANJA**

#### **Član 9.**

(1) Stručno osposobljavanje i usavršavanje zaposlenih sprovodi se na osnovu godišnjeg plana stručnog osposobljavanja i usavršavanja zaposlenih u Ustanovi koji donosi direktor Ustanove.

#### **Član 10.**

(1) Godišnji plan stručnog osposobljavanja i usavršavanja zaposlenih se izrađuje na osnovu potreba utvrđenih u godišnjem Planu rada Ustanove, a na osnovu iskazanih prijedloga rukovodilaca organizacionih jedinica koji se dostavljaju direktoru Ustanove.

#### **Član 11.**

(1) Godišnji plan stručnog osposobljavanja i usavršavanja zaposlenih sadrži podatke o:

- a) obliku i vrsti stručnog usavršavanja i osposobljavanja;
- b) zaposlenima koji će u određenom periodu biti obuhvaćeni programom stručnog osposobljavanja i usavršavanja.

#### **Član 12.**

(1) Sredstva za realizaciju godišnjeg plana stručnog osposobljavanja i usavršavanja zaposlenih u Ustanovi utvrđuju se Finansijskim planom Ustanove.

## **V- UPUĆIVANJE ZAPOSLENIH NA STRUČNO OSPOSOBLJAVANJE I USAVRŠAVANJE KOJE PODRAZUMIJEVA FORMALNO OBRAZOVANJE NAKON STEČENOG NIVOA KVALIFIKACIJE**

### **Član 13.**

(1) Zaposleni u Ustanovi može biti upućen na stručno osposobljavanje i usavršavanje koje podrazumijeva formalno obrazovanje nakon stečenog nivoa kvalifikacije u skladu sa potrebama Ustanove, utvrđenim u godišnjem planu stručnog osposobljavanja i usavršavanja zaposlenih, a na prijedlog neposrednog rukovodioca ili na sopstveni obrazloženi prijedlog zaposlenog, uz saglasnost rukovodioca i direktora Ustanove.

(2) Stručno osposobljavanje i usavršavanje iz stava (1) ovog člana obuhvata troškove studijskog programa, dok se drugi troškovi mogu odobriti na osnovu odluke direktora Ustanove (troškovi puta, smještaja i sl.).

(3) Radnik u Ustanovi može biti upućen i na stručno osposobljavanje i usavršavanje koje nije predviđeno godišnjim planom stručnog osposobljavanja i usavršavanja zaposlenih, ukoliko je takvo osposobljavanje i usavršavanje neophodno za poslove koje zaposleni obavlja, i uz saglasnost rukovodioca organizacione jedinice zaposlenog i direktora Ustanove.

### **Član 15.**

(1) Zahtjev za stručno osposobljavanje i usavršavanje koje podrazumijeva formalno obrazovanje nakon stečenog nivoa kvalifikacije zaposleni podnosi direktoru Ustanove, najkasnije 30 dana prije početka stručnog osposobljavanja i usavršavanja.

(2) Uz zahtjev je neophodno dostaviti dokumente (informacije) o:

- a) vrsti formalnog obrazovanja nakon stečenog nivoa kvalifikacije;
- b) razlozima;
- c) vremenu trajanja formalnog obrazovanje nakon stečenog nivoa kvalifikacije;
- d) potrebnim finansijskim sredstvima;
- e) periodu za koji se traži plaćeno odsustvo.

### **Član 16.**

(1) Odluku o upućivanju zaposlenog na stručno osposobljavanje i usavršavanje koje podrazumijeva formalno obrazovanje nakon stečenog nivoa kvalifikacije donosi direktor Ustanove.

### **Član 17.**

(1) U slučaju da se stručno osposobljavanje i usavršavanje odnosi na oblik formalnog obrazovanja nakon stečenog nivoa kvalifikacije čiji troškovi sprovođenja (realizacija programa, putni troškovi i drugi troškovi) prelaze 1000 KM, Ustanova i zaposleni koji se upućuje na stručno osposobljavanje i usavršavanje zaključuju ugovor o stručnom obrazovanju i usavršavanju (u daljem tekstu: Ugovor), kojim se regulišu međusobna prava i obaveze koje proizilaze iz stručnog osposobljavanja i usavršavanja.

(2) Ustanova ima pravo da ugovorom definiše obavezu zaposlenog na rad u Ustanovi u određenom vremenskom periodu nakon završenog stručnog osposobljavanja i usavršavanja.

## **VI- PRAVA I OBAVEZE ZAPOSLENIH**

### **Član 18.**

(1) Svi radnici u Ustanovi imaju pravo i obavezu da u toku rada usavršavaju svoje stručne i radne sposobnosti u skladu sa potrebama Ustanove kroz predviđene oblike stručnog osposobljavanja i usavršavanja.

### **Član 19.**

(1) Radnik kojeg je Direktor uputio na program stručnog osposobljavanja i usavršavanja koji traje duži vremenski period u obavezi je da prekine stručno usavršavanje i počne sa radom, odmah nakon prijema obavještenja da za njegovim radom postoji potreba u Ustanovi.

### **Član 20.**

(1) Radnik može prijaviti stručni ili naučni rad ili držati prezentacije na kongresima, simpozijumima, stručnim i naučnim skupovima samo uz prethodnu saglasnost direktora Ustanove.

### **Član 21.**

(1) Radnik koji se stručno osposobljava i usavršava po određenom programu ima obavezu da:

- a) najkasnije u roku od 10 dana po završenom stručnom obrazovanju i usavršavanju dostavi izvještaj o stručnom osposobljavanju i usavršavanju Kabinetu direktora ili na način kako je definisano Ugovorom;
- b) u roku od 3 dana po završenom stručnom osposobljavanju i usavršavanju dostavi Službi za pravne i administrativno tehničke poslove i službi računovodstvenih i materijalno finansijskih poslova svu dokumentaciju radi pravdanja nastalih troškova.
- c) Radnik koji u roku iz tačke a) ne dostavi izvještaj i ne opravda troškove biće u obavezi da izvrši povrat sredstava utrošenih od strane Ustanove za stručno osposobljavanje i usavršavanje.

### **Član 22.**

(1) U slučaju da u toku trajanja stručnog osposobljavanja i usavršavanja za koji je zaključen Ugovor dođe do prestanka radnog odnosa voljom zaposlenog ili odlukom poslodavca, radnik je u obavezi da Ustanovi nadoknadi iznos sredstava uplaćenih na ime stručnog osposobljavanja i usavršavanja.

### **Član 23.**

(1) Po završetku stručnog osposobljavanja i usavršavanja koje se odnosi na oblik formalnog obrazovanja nakon stečenog nivoa kvalifikacije radnik je u obavezi da provede na radu u Ustanovi najmanje dvostruko vrijeme u odnosu na broj školskih godina koje je proveo na stručnom osposobljavanju i usavršavanju finansiranom sredstvima Ustanove.

(2) U slučaju da nakon završenog stručnog osposobljavanja i usavršavanja koje se odnosi na oblik formalnog obrazovanja nakon stečenog nivoa kvalifikacije, a prije isteka broja školskih godina iz stava (1) ovog člana, dođe do raskida radnog odnosa, zaposleni je u obavezi da nadoknadi iznos sredstava uplaćenih na ime stručnog osposobljavanja i usavršavanja, srazmjerno preostalom vremenu iz stava (1) ovog člana.

## VII-EVIDENCIJA O STRUČNOM OSPOSOBLJAVANJU I USAVRŠAVANJU

### Član 24.

(1) U Službi za pravne i administrativno tehničke poslove vodi se evidencija o odlukama i zaključenim ugovorima o stručnom osposobljavanju i usavršavanju.

### Član 25.

(1) Direktor i Služba za pravne i administrativno tehničke poslove prate realizaciju Godišnjeg plana stručnog osposobljavanja i usavršavanja i periodične izvještaje o njegovoj realizaciji, saraduje sa drugim ustanovama, organizacijama, fakultetima i drugim obrazovnim ustanovama, u cilju sistematičnog i sveobuhvatnog organizovanja i sprovođenja stručnog usavršavanja zaposlenih.

(2) Periodične izvještaje iz stava (1) ovog člana priprema Služba za pravne i administrativno tehničke poslove prate.

## VIII- PRELAZNE I ZAVRŠNE ODREDBE

### Član 26.

(1) Na sva pitanja koja nisu regulisana ovim Pravilnikom neposredno se primjenjuje Zakon o radu, Zakon o zaštiti na radu, drugi važeći zakonski propisi i Pravilnik o radu.

### Član 27.

(1) Izmjene i dopune ovog Pravilnika vrše se na način i u postupku utvrđenom za njegovo donošenje.

### Član 28.

(1) Stupanjem na snagu ovog Pravilnika, prestaje da važi Pravilnik o stručnom osposobljavanju i usavršavanju JU Zavod za zbrinjavanje mentalno invalidne djece i omladine Pazarić broj: 02-1-747/01-1/22 od 16.06.2022.godine.

### Član 29.

(1) Ovaj Pravilnik stupa na snagu osmi dan od dana donošenja od strane Upravnog odbora Ustanove Pazarić, i objavit će se na web stranici i oglasnoj ploči Ustanove Pazarić.

**PREDSJEDNICA  
UPRAVNOG ODBORA**

*Mirjana Mihaj*  
Mirjana Mihaj dipl.scr.

**Broj: 02-01-1444-1/01-1/ 23  
Datum; 25.10.2023.godine**





**USTANOVA ZA SOCIJALNO ZBRINJAVANJE ZDRAVSTVENU NJEGU ODGOJ I OBRAZOVANJE PAZARIĆ**  
**SOCIAL WELFARE AND HEALTHCARE UPBRINGING AND EDUCATION INSTITUTION PAZARIĆ**

**-UPRAVNI ODBOR-**

**Broj: 02-1-1444/01-1/23**

**Datum: 25.10.2023.godine**

Na osnovu člana 44. Zakona o ustanovama socijalne zaštite Federacije BiH (Službene novine F BiH broj: 64/22), člana 37. i 55. Pravila Ustanove za socijalno zbrinjavanje, zdravstvenu njegu, odgoj i obrazovanje Pazarić (Službene novine F BiH broj: 57/23), Upravni odbor na svojoj 36. sjednici održanoj dana 25.10.2023.godine, donio je;

**ODLUKU**

o donošenju Pravilnika o stručnom osposobljavanju i usavršavanju Ustanove za socijalno zbrinjavanje, zdravstvenu njegu, odgoj i obrazovanje Pazarić

**Član 1.**

Upravni odbor donosi Pravilnik o stručnom osposobljavanju i usavršavanju Ustanove za socijalno zbrinjavanje, zdravstvenu njegu, odgoj i obrazovanje Pazarić.

**Član 2.**

Sastavni dio odluke je Pravilnik o stručnom osposobljavanju i usavršavanju Ustanove za socijalno zbrinjavanje, zdravstvenu njegu, odgoj i obrazovanje Pazarić.

**Član 3.**

Odluka stupa na snagu danom donošenja i objavit će se na oglasnoj ploči Ustanove Pazarić.

**Dostavljeno:**

1. Federalno ministarstvo rada i socijalne politike
2. Direktoru
3. Sužbe ustanove Pazarić-svima
4. A/a



**PREDSJEDNICA  
UPRAVNOG ODBORA**

*Mirjana Mihalj*  
Mirjana Mihalj, dipl.scr